

Lëtzebuerg, de 8. August 2023

Här Fernand ETGEN
Chamberspräsident
LËTZEBUERG

Här President,

Esou ewéi den Artikel 80 vum Chambersreglement et virgesäit, bieten ech Iech, dës parlamentaresch Fro un den Här Minister fir Landwirtschaft, Wäibau a ländlech Entwécklung weiderzeleeden:

„De Klimawandel féiert dozou, datt d’Vegetatiounsperioden sech queesch duerch Europa verlängert hunn.

Verschiede Kulturen oder Feldfriichte kréien et méi schwéier, fir gutt iwwer de Summer ze kommen, well et ze laang Drécheperiode gétt. Dëst Joer sinn d’Kären an eenzelen Deeler vum Land scho fréi erageholl ginn (Mëtt Juli), während op anere Plaze wéinst deem ville Reen vun Enn Juli bis Ufank August huet misse gewaart ginn.


An deem Kontext wollt ech dem Här Landwirtschaftsminister folgend Froe stellen:

1. Wéi huet sech d’Vegetatiounsperiod hei am Land am Verglach mat aneren europäesche Regiounen verännert?

2. Wéi gesäit aus der Siicht vum Landwirtschaftsministère eng dem Klima ugepasste Landwirtschaft aus? Gétt et do scho konkret Perspektiven a Konzepter, déi eise Baueren ënnerbreet gi sinn oder ginn, fir hir Betriber op weider Erausforderunge virzebereeden?

3. A wéi engem Mooss wäert sech d’Versuerung mat Fudder verännern? Wäert do ënner anerem och verstärkt op Kléigraszorte gesat ginn, déi ganzjäreg wuessen a méi déif wuerzelen, sou datt se dréche Periode besser iwwerstinn?“

Mat déiwem Respekt,


André Bauler
Deputéierten



DEMOKRATESCH
PARTEI

Chambre des Députés
Groupe Parlementaire

9, rue du St. Esprit
B.P. 510
L-2015 Luxembourg

Tel. : 22 41 84 1
Fax : 47 10 07

dp@dp.lu
www.dp.lu